

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

M. Vitrvii ... De architectvra libri decem

**Vitruvius
Frontinus, Sextus Iulius**

Argentorati, 1543

Cap. XII

[urn:nbn:de:bsz:31-128539](#)

sylue, aut platanones, & in his perficiantur inter arbores ambulationes ibi; ex opere signino stationes. Proxime autem xystum & duplice porti cum, designetur hypethra ambulationes, quas Græci περιστόμια, nostri xysta appellant, in quas per hyemem ex xysto sereno cœlo athletæ prodeunt exercetur. Post xystum autem stadium, ita figuratum, ut possint hominum copiae cum laxamēto athletas certantes spectare. Quæ in incibus necessaria uidebantur esse, ut apte disponantur, perscripsi.

DE PORTVBVS ET STRVCTVRIS IN
aqua faciendis. C A P. XII.

DE oportunitate autem portuum non est prætermittendum, sed quibus rationibus tueantur naues in his tempestatibus, explicandum. Hi autem naturaliter si sint positi, habeatq; acroteria siue promontoria procurentia, ex quibus introrsus curvaturæ siue uersioræ ex loci natura fuerint conformatae, maximas utilitates uidentur habere. Circum enim porticus, siue naualia sunt facienda, siue ex porticibus aditus ad emporia, turresq; ex utraq; parte collocandæ, ex quibus catenæ traduci per machinas possint. Si autem non naturalem locum, nec idoneum ad tuendas ab tempestatibus naues habuerimus, ita uidetur esse faciendum, ut si nullum flumen in his locis impediatur, sed erit ex una parte statio, tunc ex altera parte structuris siue aggeribus expediantur progressus, & ita conformanda portuum conclusiones. Eæ autem structuræ, quæ in aqua sunt futuræ, uidentur sic esse facienda, ut portetur puluis à regionibus, quæ sunt à cumis continuatae ad promontorium Minerue, isq; miscetur uti in mortario duo ad unum respodeant: deinde tunc in eo loco, qui definitus erit, arcæ stipitiibus robustis & catenis inclusæ in aquam de-mittenda destinandaq; firmiter. Deinde inter eas ex transfillis inferior pars sub aqua exæquanda & purganda, & cementis ex mortario materia mixta (quemadmodum supra scriptum est) ibi congerendum, donum cum compleatur structura spatium, quod fuerit inter arcas. Hoc autem munus naturale habent e loca, quæ supra scripta sunt.

Sin autem propter fluctus aut impetus aperti pelagi, destinatae arcæ non potuerint contineri, tuc ab ipsa terra siue crepidine puluinus quam-

S firmissi-

firmissime struatur. Isq; puluinus ex equata struatur planitiæ minus, quæ dimidie partis reliquum, quod est proxime litus, proclinatum latus habet. Deinde ad ipsam aquam & latera, puluino circiter sesquipedales margines struantur æquilibres ei planitiæ, quæ supra scripta est. Tunc proclinatione impletatur arena, & exæquatur cum margine in planitiæ puluini. Deinde insuper eam exæquationem pila quam magna constituta fuerit, ibi struatur, eaque cum erit extructa, relinquatur ne minus quam duos menses, ut siccescat. Tunc autem succidatur margo, quæ sustinet arenam. Ita arena fluctibus subruta efficit in mare pilæ præcipitationem.

Hac ratione quotiescumq; opus fuerit, in aquam poterit esse progressus. In quibus autem locis puluis non nascitur, his rationibus erit faciendum, uti arcæ duplices relatis tabulis & catenis colligatæ in eo loco, qui finitus erit, struantur, & inter destinatas creta meronibus ex ilua palustri factis calcetur. Cum ita bene calcatum & quandamfissime fuerit, tunc coecleis, rotis, tympanis collocatis, locus qui in ea septione finitus fuerit, exinanitur siceturque, & ibi inter septiones fundamenta fodiantur. Si terrena erunt, usq; ad solidum crassiora quam murus, qui super futurus erit, exinanatur, siceturq; & tunc structura ex cementis calcet et arena compleatur. Sin autem mollis locus erit, palis ustilatis alneis, aut oleagineis, aut robusteis configatur, & carbonibus compleatur, quemadmodum in theatrorum & muri foundationibus est scriptum.

Deinde tunc quadrato saxo murus ducatur iuncturis quam longissimis, uti maxime medijs lapides coagmentis continentur. Tunc qui locus erit inter murum, ruderatione sive structura compleatur. Ita erit uti possit turris insuper ædificari. His perfectis naualiorum ea erit ratio, ut constituantur spectantia maxime ad septentrionem, nam meridianæ regiones propter aestus, cariem, tineam, teredines, reliquaq; bestiarum nocetum genera procreant, alendoq; conseruant, eaq; ædificia minime sunt materialia propter incendia. De magnitudinibus autem finitio nulla debet esse, sed faciunda ad maximum nauium modum, uti & si maiores naues subductæ fuerint, habeant cum laxamento ibi collocationem. Que necessaria ad utilitatem in ciuitatibus publicorum locorum succurrere mihi potuerunt, quemadmodum constituantur & perficiantur, in hoc uolumine scripsi.